

適園藏書志

適園藏書志卷第六

吳興 張鈞衡 石銘

子部一

儒家類

標題句解孔子家語三卷

元刊本

元王廣謀撰前後序跋缺止存迎神等樂章從祀陳設圖
丁祭服色景猷聖賢語論已收史部傳記類標題與此書
同彼明嘉靖覆刻添入鄉進士安福彭參校此則元刻也
每半葉十一行行二十字高五寸六分廣三寸六分黑口
單邊上格摘由字迹恹恹未見他書著錄

蔣氏等跋出錢氏補元史藝文志載有是書元人句解元



49810

刻本僅見也近來古書日少芙川仁兄其善護之辛卯八月蔣因培識

纂圖互注荀子二十卷

元刻本

唐大理評事楊倞注此本每半葉十一行行二十一字小字不等高六寸廣四寸黑口單邊有欹器圖天子大輅圖龍旗九旂圖似四子本明人翻刻甚多然此本字畫精緻似是元刻

纂圖互注揚子法言十卷

元刻本

晉李軌唐柳宗元注聖宋宋咸吳祕司馬光重添注行款與荀子同前有宋咸序宋咸表司馬光序并渾儀圖五聲十二律圖

本宅今將 監本 四

子纂圖互注附入重言重

意精加校正竝無訛繆謄

作大字刊行務令學者得

以參考互相發明誠爲益

之大也建安 謹咨

賈太傅新書十卷

明正德刻本

明何孟春訂注前有正德十五年張志淳序後有周廷用
序第十卷爲附錄列弔湘賦鵬賦惜誓賦旱雲賦虞賦小
傳及燕泉書識三篇收藏有鱣讀白文二字印得此書費
辛苦後之人其鑒我白文長方印又一仲魚圖像朱文長

方印

說苑二十卷

明刻本

漢劉向撰此明刻黑口本字畫雅飭有鈔配

忠經一卷

宋刻本

舊題漢南郡太守馬融撰以玉筋倒薤芝英古文垂露墳
書穗書柳葉纓絡垂雲懸鉞剪刀奇字轉宿雕蟲金錯大
篆龍爪十八體書之經既僞作字亦離奇昔人以宋板推
重之前有黃震序後有乾道己丑陳欽跋嘉定六年張革
跋收藏有葉盛白文與之朱文兩大方印文嘉白文休承
朱文兩方印孫從添印朱文方印吳岫家藏朱文方印錢
曾朱文腰圓印白陽山人白文長方印

嘉慶庚申九月竹汀居士錢大昕觀一過

道光丙戌八月心青孫原湘觀於味經書屋

道光庚寅上巳隅山邵淵耀觀于一業居

道光辛卯秋八月辛峯蔣因培觀三復

錢氏手跋曰季長爲漢南太守時比儗孝經而作是書其
有功於名教不淺讀書敏求記云鄭司農爲注是本黃震
序後有標題一行云忠經篆注然祇有一十八體篆書并
釋文而注卻無之張革重爲校正刻於嘉定六年革武弁
能如是凡爲誦法孔氏者宜何如崇尚耳世行本尙有季
長自序一篇而是本反無之何耶惜司農所注未及寓目
爲憾芙川當廣搜博采以示我是所厚幸此係宋刻本且

以各體篆文書刻尤爲不可多得之祕笈也嘉興錢天樹敬跋

王氏手跋曰此書勝國時爲崑山葉文莊公所藏錢遵王載入讀書敏求記中冊中朱印可稽知卽述古堂舊有也吳方山陳白陽皆有收藏圖記昔歐陽率更得索靖碑臥其下三日此書細讀之不能釋手展閱三旬亦不能掩卷也道光壬午芙川兄自虞山攜至京師借觀因識蓮府王宗誠

李氏手跋曰漢書藝文志書有六體八體之辨三十六體之說乃六朝人妄言之實未嘗有是書也宋僧夢英始創爲之緣名造狀遂成魔道馬季常依倣孝經造忠經識卑

語陋徒掇拾前賢詞句使人不敢非刺子雲文中以僭經
爲後儒口舌而季常獨免亦以其不足致齒頰耳以三十
六體書忠經同爲無稽可謂各從其類芙川以其爲宋槧
而珍之亦聊備骨董之一也道光十五年正月李兆洛觀
因題

伸蒙子三卷

舊鈔本

唐林慎思撰慎思字虔中長樂人咸通十年進士再中宏
詞授祕書省校書郎守萬年縣死巢賊之難是書自序云
命著心禱得蒙之觀曰伸蒙入觀通明之象也遂以伸蒙
子自名此書三卷上卷槐里辨三篇象三才敘天地人之
事申卷澤國紀三篇象三辰敘君臣人之事下卷時喻二

篇象二教敘文武之事指喻明切自成一家言後有感淳
癸酉劉希仁方應發兩跋此舊鈔本收藏有開萬樓藏書
印朱文長方印

帝範四卷

校本

唐太宗撰著作郎韋公肅注元人補之鮑綠飲用聚珍本
刻入叢書是第三次校修本而吳兔牀先生復取明吳郡
黃省曾本校出八十餘處拜經樓舊藏收藏有葵生珍玩
白文迴環印

吳氏手跋曰戊戌冬夜橫河舟次用吳郡黃省曾嘉靖己
丑刊本讐勘凡拈出八十餘處

元城語錄二卷

明萬歷
刻本

宋劉安世撰安世字器之元城人事蹟見宋史本傳此明萬歷庚寅于文熙序後有萬歷丁巳區龍禎後序

西山先生經進大學衍義四十三卷

明刊本

宋真德秀撰前有德秀自序進書表尙書省劄子中書門下省時政記房申狀提行款式一仍宋本之舊每半葉十行行二十一字高五寸四分廣三寸五分黑口單邊口上標卷數祇有數目字下標葉數刻頗不惡染紙畫闌殊增醜態

真西山讀書乙集五卷

宋刻本

存乙集卷八之十二宋刻本每半葉九行行十六字小字二十四高七寸廣五寸白口單邊寬行大字此書有元時

補板明時補板世亦常見如此宋刊宋印紙墨俱精實不
易觀惜止五卷

童蒙訓二卷

明覆
宋本

宋呂本中撰本中字居仁壽州人官至侍講不附秦檜罷
爲提舉太平觀諡文清前有樓昉序作於宋嘉定八年稱
金華太守正公壽雋刻於呂氏祠堂末又刊紹定己丑郡
守眉山李重得此本於詳刑使者東萊呂公祖烈因鈔本
於玉山堂按紹定己丑去嘉定八年相距十有四載李殆
取正刊翻刻此又翻於李本者也收藏有張氏秋月字香
修一字幼憐朱文方印是嚴九能藏書

黃氏經日鈔三十卷

宋紹定
刻本

宋黃震撰震字東發慈谿人官至浙東提舉事蹟具宋史
儒林傳日鈔九十四卷此尚刻說經之語三十卷宋刻本
每半葉十行行二十字高六寸五分廣四寸五分白口單
邊上有字數下有人名一字雙魚尾計葉數在下魚尾下
上有小墨圍右邊闕外注書名篇名墨擲墨圍墨點俱工
旋風裝有玉蘭堂白文辛夷館印朱文兩方印竹陽朱文
小長方印古吳王氏方印果親王府圖書記朱文長方印
士禮居臧分書長印在明爲文徵明王雅宜我朝則果親
王及黃蕘圃遞藏也各家書目止有元刻本此書目錄後
有紹定二年菊月積德堂校正刊一牌子標籤亦曰宋本
案至元沈達序此書刻於宋時中值兵燬板已亡失孫禮

之購求蒐輯補完以刻之瞿氏書目謂書中桓字或作栢
或作亘蓋是本從宋槧出案是書刻自宋時卽不得謂宋
無印本今就首冊繙閱栢字之外又得貞字爲證季滄葦
書目黃氏經日鈔三十卷宋板卽此書七卷前數葉後四
卷元人鈔配亦極古雅

黃氏日鈔九十七卷

元刊本

元刊本每半葉十行行二十字高六寸六分廣四寸五分
白口雙邊口上有云日鈔集書幾卷者有無日鈔僅有書
名卷數者有無書名僅有日鈔卷數二字印本極精原缺
八十一八十九九十二三卷至元三年沈達序收藏有季
振宜字誥兮號滄葦朱文方印季印振宜滄葦兩朱文大

印

黃氏日鈔九十七卷附古今紀要十九卷

明正德刻本

明刻本結一廬藏書

五倫書六十二卷

明刻本

明宣宗采輯經傳子史嘉言普行有關於君臣父子兄弟夫婦朋友之道者爲是書英宗正統十四年刊行官本字大悅目此則建寧書坊私刻

純正蒙求三卷

舊鈔本

元胡炳文撰炳文有周易本義通釋已著錄蒙求自李瀚以下仿其體者數家大抵雜采經傳事實隸以韻語以便童子之記誦然多以對偶求工不盡有關於法戒炳文是

書則集古嘉言善行各以四字屬對成文而自注其出處
於下所載皆有裨幼學之事每卷一百二十句總爲三百
六十句張芙川藏書

讀書總錄二十卷

明萬歷刻本

明薛瑄撰瑄字德溫河津人永樂辛丑進士官至禮部右
侍郎入閣贈禮部尙書諡文清事蹟具明史儒林傳前錄
口卷續錄卷河東侯鶴齡分類彙編刻於本邑萬歷己
亥趙用光序

士翼三卷

傳鈔本

明崔銑撰仲冕讀易餘言已載入經部易類是書十三篇
曰道心曰性曰理氣曰太極曰仁統曰春秋上曰春秋下

曰申孟上曰申孟下曰慎述史傳曰正誼黜伯曰駁偽謙退曰制

原在正人心皆高談義理為文集所不載者

中說考七卷明刻本

明崔銑撰文子子書十篇說類分為三曰內篇九篇曰外篇亦九篇餘為雜篇有銑自序後有蒲州生員裴中校膳一行

性理三解七卷明刻本

明韓邦奇撰邦奇字汝節朝邑人正德戊辰進士南京兵部尚書贈太子少保諡恭簡此三書曰正蒙拾遺曰易學啟蒙意見曰洪範圍解總名性理三解明裝甚古藏印卻偽

嘉禾問錄一卷

明刻本

明唐樞撰樞字惟中歸安人嘉靖五年進士刑部主事事蹟見明史本傳此書在嘉禾秉鐸時與諸生問答之語按樞初事湛甘泉其後慕陽明之學而不及見於兩家爲調人刻在一菴雜著中

考正晚年定論二卷

舊鈔本

孫承澤撰是書以王陽明所作朱子晚年定論不言晚年始於何年乃取朱子年譜行狀文集語類等書詳爲考正以宋孝宗淳熙甲午爲始朱子是時年四十有五其後乃始與陸九淵兄弟相會逐年編輯辨駁陽明之言不出門戶之習然較陽明所言爲切實耳

閑閑堂會心錄八大冊

藁本

明倪涑撰涑字霖仲別字雨田上虞人萬歷甲戌進士官南京駕部郎定船政東南軍衛尸祝之歷撫淮荆瓊四郡守文正公之父也此書分門摘錄故事加以論斷是雜纂類之書稿本八冊不完不備有帝王偏霸閭品經術考据辨證醇德同名神理定數儗倫諷譴報應奸惡等目又爲俗賈挖去卷數雜亂裝訂爲可恨耳

兵家類

武侯心妙一卷

舊鈔本

不著撰人名氏皆兵家言

道德經論兵要義四卷

傳鈔本

唐王真撰真繫銜題朝議郎使持節漢州諸軍事漢州刺史充威勝軍使賜緋魚袋前有元和四年進書狀又表一篇憲宗手諭褒美之王氏久列戎行熟諳軍事獨取道德經言兵之理推闡申明原本二卷此書分爲四卷與鄭漁仲通志卷數相合

將鑑論斷十卷

傳鈔本

宋戴少望撰自序爲紹興辛酉是書采輯古來善用兵者始於孫武終於郭崇韜大約借古人以論時事明板有名將鑑博議者卽此書

少林棍法闡宗三卷蹶張心法一卷長鎗法選一卷單刀法

選一卷

明刻本

明程宗猷撰宗猷字冲斗海陽人先棍次弩次鎗次刀云
少林者元至正閒有神僧以棍法傳人至今呼爲少林派
冲斗爲書并圖以傳之刊刻至精有益學者包慎伯先生
言鎗法通於字學又言習武者色潤澤而不肥亦通於養
生之術矣

法家類

管子二十四卷

明萬歷刻本

明趙用賢刻本萬歷壬午用賢自序有楊忱序附張巨山
讀管子一篇知文毅卽從楊序本出及管子文評管子凡
例末有吳郡顧樞書卽書刻凌迪知兩漢雋言者

龍筋鳳髓判三卷

明刻本

唐張鷟撰明弘治閒吳閏卿津刻本前祝允明序後都穆跋均佚

龍筋鳳髓判二卷

舊鈔本

明徐禎卿唐寅藏本吳枚庵校定收藏有古歡堂鈔書白文小長方印湘舟鑒賞白文方印長洲顧氏藏書朱文長印

吳氏手跋曰晁志云十卷凡百首予從元板錄出止二卷七十八首後借得張思孝舊校本亦分二卷而其中有一題二首三首者僅存四十七題知殘闕久矣丁酉中元節後用朱筆對出己亥八月命館生重搨一本蓋距初鈔之時歲在癸巳荏苒七年矣湯士記

麤解刑統賦一卷傳鈔本

賦宋傅霖撰元孟奎解奎字文卿鄒人元至正中成書瞿

氏鈔本缺末五句與別本刑統賦合為一沈氏枕碧樓全

書已別出之今當從

別本刑統賦解一卷傳鈔本

從第三韻起亦元人作解而詳於沈解

刑統賦疏一卷傳鈔本

元沈仲緯撰前有俞淖楊維楨序從鐵琴銅劍樓本寫出

疑獄集四卷傳鈔本

五代和凝與其子嶸同撰凝字成績鄆州須昌人初為梁

義成軍節度從事唐天成中官翰林學士唐亡入晉官至

左僕射晉亡入漢拜太子太傅封魯國公漢亡入周至顯德二年乃卒事蹟具五代史雜傳蒙字顯仁據此書題其官曰中允前有蒙序及至正十六年杜震序考書錄解題稱疑獄三卷上一卷爲凝書中下二卷爲蒙所續與此書合四庫所收四卷者後人分凝撰爲二也有吳長元跋

農家類

農桑撮要二卷

影寫元本

元魯明善撰并序案元時官頒農桑撮要一書以齊民要術爲藍本共分六門而卷末載歲用雜事猶略此本則分十二月令案時件繫詳言種植斂藏之事足補輯要所未備

醫家類

黃帝內經太素三十卷

傳鈔本

隋楊上善撰缺七卷存二十三卷傳錄東瀛本醫史醫統云楊上善隋大業中爲太醫侍御是卷題通直郎守太子文學與醫史醫統所云不同按唐六典後周建德三年置太子太學十人後廢隋代無此官楊惺吾遂以上善爲唐人不知周隋相接上善撰此書尙在周時故署舊官至隋大業中爲太醫侍御兩相妨礙丙避爲景則唐人改唐諱宋人改宋諱尤舊書之通例至林億据內經所引遺文尤多惺吾以爲宋代已佚林億等未見則尤爲鶻突也

新刊補注釋文黃帝內經素問十二卷

元刊本

啟玄子次注林億孫奇高保衡等奉敕校正孫兆重改誤
前有國子博士臣高保衡光祿卿直祕閣臣林億等謹上
表又王冰自序每半葉十三行行二十三字高六寸三分
廣四寸黑口雙邊口上標素問幾目前有木記曰是書乃
醫家至切至要之文惜乎舊本訛舛漏落有誤學者本堂
今求元豐孫校正家藏善本重加訂正分爲一十二卷以
便檢閱衛生君子幸垂藻鑑又目錄後有木蓋子題曰元
本二十四卷今併爲一十二卷刊行陰面書有木記題曰
至元己卯菖節古林書堂新刊兩行今爲書賈撕破想充
宋槧亦賈人之陋見也有江南昭文張燮子和小琅嬛福
地藏書記朱文大長方印蓉鏡珍玩朱文方印虞山張氏

朱文方印

天啟甲子八月因姪焯兒病細閱一過其圈校者尙是元人手筆因識時晚桂初放覺案閒同此古香也琴水寒儒

重廣補注黃帝內經素問二十四卷

明刻本

明繙宋本有顧從德跋收藏有查氏珍賞之印朱文夏重讀過白文兩方印

顧氏手跋曰家大人未供奉內藥院時見從德少喜醫方術爲語曰世無長桑君指授不得飲上池水盡見人五藏必從黃帝之脈書五色診候始知逆順陰陽按奇絡活人不然者雖聖儒無所從精也今世所傳內經素問卽黃帝之脈書廣衍于秦越人陽慶淳于意諸長老其文遂似漢

人語而旨意所從來遠矣客歲以試事北上問視之暇遂以宋刻善本見授曰廣其傳非細事也汝圖之從德竊惟吳儒者王光菴賓嘗學內經素問于戴原禮可一年所卽治病輒驗晚歲以其學授盛啟東韓叔陽後被薦文皇帝召對稱旨俱留御藥院供御一日入見便殿上語次偶及白溝之勝爲識長蛇陣耳啟東以天命對是不但慷慨敢言抑學術之正見于天人之際亦微矣秦太醫令所謂上醫醫國殆如此耶故吳中多上醫實出原禮爲上古自來之正派以從授是書也家大人仰副今上仁壽天下之意甚切亟欲廣其佳本公暇校讐至忘寢食予小子敢遂翻刻以見承訓之私云嘉靖庚戌秋八月旣望武陵顧從德

謹識

此跋罕見皆爲俗賈撤去耳故錄之

黃帝內經素問遺篇一卷

元刊本

內經素問八十一篇內刺法篇第七十二本病論篇第七十三亡在王注之前此元刻本每半葉十四行行二十二字高六寸四分廣四寸黑口單邊口上署素問亡篇四字與趙府刻本八行本不同面葉署元刻舊本虞山蔣氏珍藏善本味經書屋張氏得之郡城有黃氏士禮居珍藏祕冊勿輕視之張子和珍藏書畫圖書小卿媛福地張氏攷藏兩朱文方印曾藏張蓉鏡家朱文小方印味經白文小方印

傷寒論十卷

傳少本

漢張機撰宋高保衡等校上日本寫本楊惺吾推爲北宋本無確證也

傷寒明理論三卷附錄一卷

元刊本

宋嚴器之撰器之阮文達公考其字字成公取寒證分爲五十門詳爲之論又取仲景一百二十方之中擇世人所常用者二十方各係之以論以別爲之後集一卷其說類多精語此元刊本每半葉十三行行二十字高六寸五分廣四寸二分黑口單邊板心方論在上魚尾下葉數在兩魚尾中間前後均缺黃堯圃以影寫宋本補寫完足并命長孫秉剛校勘成校勘記一卷附後有跋有士禮居藏朱文長印黃印丕烈復翁兩朱文聯珠方印龜巢翁白文大

方印黃印美鏤白文圓印賦孫朱文方印臣鏤朱白文小方
印賦孫朱文界格小方印夢廬借觀朱文方印虞山張蓉
鏡芙川信印朱文方印蓉鏡珍藏朱文大方印

黃氏手跋曰余向藏傷寒明理論相傳爲影宋鈔本紙墨
精妙卻未將別本校過已舉而歸諸藝芸書舍矣頃冷攤
以舊刻本見遺審是元刻本中多缺失偶有鈔補亦復不
全遂動校勘之興從藝芸借歸命長孫秉剛竭幾日力手
校一過竟有勝於鈔本之處然彼此既非一樣行款辭句
又復有異無可全補遂命工楷書影宋原文之可與刻本
參者附麗之又命秉剛自寫影宋之與刻異者爲校勘記
事畢之後秉剛請余自爲跋記其原委因書此以示之而

卽令其手書於後時在道光癸未九月十七望秋清逸士
跋孫美鏐書 越歲甲申夏六月裝成迨七月初旬有人
索觀士禮居子部醫家因舉此示之作介者恐得主不識
此骨董未敢涉手舉世皆俗眼其視此不爲棄物乎吾愛
吾寶於此益信云龜巢老人自記

錢氏手跋曰元板傷寒明理論三卷并方論一卷爲黃氏
士禮居舊藏今爲芙川居士所儲道光甲午小暑後三日
從琴川寄至味夢軒因得展閱雖略有缺帙其妙在有蕘
翁校勘記一卷則知其中閒有勝於汪氏影宋鈔本者觀
其跋語頗自慎重若非芙川眞知篤好恐當時蕘翁亦未
必能輕易割愛耳錢天樹

玄珠密語十六卷

舊鈔本

唐王冰撰冰一作冰見唐書宰相世系表稱爲京兆府參軍林億又謂爲太僕今醫家皆稱王太僕是也冰深於醫學靈樞素問一手所注此書前人論其語多怪誕并有議其僞託者實則五行至理生化所由明堂陰陽洪範類占皆古人之精蘊何獨疑於此書此舊鈔本十六卷與敏求記十七卷不同實則十一十二并兩爲一也

經史證類大觀本草三十一卷

元刊本

宋唐慎微撰元刊本每半葉十二行行大二十字小二十四字高六寸六分廣四寸五分黑口雙邊口上署本草一卷以陰文爲標識首有大觀二年艾晟序序中不知慎微

何許人今据宇文虛中跋云慎微字審元成都華陽人貌
寢陋舉措語言樸訥而中極明敏其治病百不失一一語
證候不過數言再問之輒怒不應其餘不以貴賤有所召
必往寒暑雨雪不避也其爲士人療病不取一錢但以名
方祕錄爲請以此士人尤喜之每於經史諸書中得一藥
名一方論必錄以告遂集爲此書尙書左丞蒲公傳正欲
以執政恩例奏與一官拒而不受其二子五十一五十四
偶忘其名及壻張宗說字巖老皆傳其藝爲成都名醫趙與峕
賓退錄則稱唐慎微蜀州晉原人世爲醫深於經方元祐
閒蜀帥李端伯招之居成都嘗著證類備急本草三十一
卷艾晟序其書謂慎微不知何許人故爲表出蜀州今爲

崇慶府云云然崇慶與成都相去不及二百里稱其寄籍亦無不可艾序作謹微是後人避孝宗諱所改非艾氏本文此大德壬寅宗文書院刊本不作三十卷猶是大觀舊第楊惺吾附會爲宋本實是大德刊而裁去牌子者惺吾之跋不足據

經史證類大觀本草三十一卷

元刊本

亦宗文書院刊有牌子

重修政和經史證類備用本草三十卷

明刊本

題下增已酉新增衍義六字首冠以嘉靖壬午馬三木序行書前有商輅序陳鳳梧序金麻革序宋曹孝忠序金泰和木記證類本草所出經史方書凡二百四十七家後有

宋政和奏敕官銜金字文虛中元劉祁書後大德丙午許
宅印後剗去一行蓋年月也惟存山東濟南府儒學教授
胡大慶訓導華爲珩同校督卽丁氏藏書志所謂山東刻
本

本草衍義二十卷

元刊本

宋寇宗奭撰宗奭萊公曾孫著有萊公勳烈一卷見郡齋
讀書後志以衍義劄付通鑑長編證之知其曾爲杭州順
安軍永耀各官熙寧十年爲思州武城縣主簿政和六年
由承直郎澧州司戶進書轉通直郎添差充收買藥材所
辨驗藥材元刊本每半葉十二行行二十一字高六寸七
分廣四寸六分黑口雙邊口上署本草衍義一在上魚尾

下葉數在下魚尾下有宋政和劄付楊惺吾得自日本其跋語推尊以爲宣和原刻其實別本卷末有慶元乙卯記及官銜段梁等五人蓋當時與證類本草同刊元宗文書院亦同翻板陸存齋盛杏蓀均有此書出自一版均不以爲宋本

楊氏手跋曰本草衍義二十卷目錄一卷首載政和六年十二月二十八日付寇宗奭劄子又題宣和元年■月本宅鏤板印造姪宣教郎知解州解縣丞寇約校勘目錄及第一卷之首題通直郎添差充收藥材所辨驗藥材寇宗奭編撰郡齋讀書後志作本草廣義與其序例不相應當誤也自序稱重定本草及圖經有執用已私失於商較併

考諸家之說參之事實覈其情理證其誤脫以爲此書蓋
爲掌禹錫等補注神農本草蘇頌等本草圖經而作也余
按大觀二年唐慎微之本草已刻于漕司至政和六年曹
孝忠方奉命校刊慎微之書何以寇氏一不議及余意大
觀政和年歲相近漕司之本或流傳未廣至曹氏校證類
而宗奭之書已成嘗以質之森立之立之云此書全編藥
名次第全與唐蘇敬新修本草相符日本現存蘇敬本草
十卷余已得其影鈔
本寇氏蓋以證類本草分門增藥爲非是因就新修而作
衍義也然則掌氏蘇氏之書與
新修本草義例相同又云寇氏辨正藥品凡四
百七十二種發明良多蓋翻性味之說而立氣味之論東
垣丹溪之徒多尊信之本草之學自此一變然則寇氏本

非爲慎微之書而作衍義張存惠刊證本草以寇氏書入之已失其旨有明一代遂無刊本而四庫不得著錄此當急爲流布者也光緒丁亥三月宜都楊守敬記

錢氏小兒藥證直訣三卷附董氏小兒斑疹備急方論一卷

宋刊本

宋錢乙撰乙字仲陽鄂人事蹟見劉跂撰傳載本書首冠閻孝忠序後附董汲斑疹方論一卷錢乙後序此北宋刊本每半葉八行行十六字高七寸六分廣五寸二分白口單邊板口署錢方幾在上魚尾下閒有刻工名字因由蝴蝶裝改冊故中縫多破損矣首尾欠六葉系元人鈔補中卷則英川所補足陳世傑曾以此本重刻而失去閻序曾

以陳刻相校知陳刻卽出於此本譌者目初生三日已上
下多至十日三字卷上五藏所主條飲水而搖搖刻作搖
誤前牙旁注前作咬字虛則補母刻母字作墨丁瘡疹候
條或寒戰噤牙刻作墨丁諸疳條白揉鼻頭刻揉字作墨
丁餘均相合至武英殿聚珍板本明正德閒刻類證本
均與此本不同有錢氏藏朱文大方印錢穀朱文叔寶白
文兩方印後又有叔寶朱文方印屠隆白文緯真朱文小
方聯珠印滄萃朱文大方印張蓉鏡印朱文大方印虞山
張蓉鏡鑒定宋刻善本朱文長方印姚印婉真朱文芙初
女史白文兩方印臣燾私印越國王孫朱文兩大方印秀
川汪氏子過眼兩朱文小方印僞印不錄

錢氏手跋曰宋仲陽先生藥證直訣三卷後附閻董兩家藥方於後真保赤之金鍼也此真宋本前多閻氏總序一篇世傳摹宋本所無尤爲寶貴其上卷鈔補錄目五葉下卷鈔補董氏方一葉尙是元人手筆細審其字跡是艾衲山人錢鼎所書眞鑒者見之定不河漢余言耳知當時已珍重若此今芙川張君復補全中卷從此可稱完璧矣仲陽不獨以醫知遇動人主顧向倍嘗艱苦萬里尋親得遂首正爲人子所最難者而行誼如是其藝之精尙其小焉者耳惜乎其上藏印眞僞雜出在有目者一望而知毋庸深辨然斷不以此減其聲價也乙未之冬夢廬錢天樹識於是耶樓下

楊氏手跋曰宋錢仲陽小兒藥證三卷閻孝忠附方一卷
具詳於卷首目錄中後又附董汲小兒斑疹備急方論一
卷有錢仲陽所著後序而目錄中未之及觀仲陽後序中
語於董及之重爲許可殆閻孝忠心折仲陽并采仲陽所
許可之斑疹備急方以彙治小兒法之全歟按董及之著
有腳氣治法總要二卷旅舍備要方一卷載入 四庫書
而錢仲陽小兒專書世所罕覩此本爲閻孝忠所集脈證
治法簡易精審誠幼科之聖也近時仿宋翻刻本佚去閻
序此本爲雙芙蓉閣所藏中卷及前後共鈔補五十餘葉而
閻序獨完良足珍愛因將近時翻刻本補闕訂訛以資省
覽仍以此帙歸之芙川并識數語於卷端研芬楊希銓

千金寶要八卷

明刊本

宋郭思撰思河陽人宋徽猷閣直學士自號小有居士唐孫真人所集千金方纂出自婦人至痔十七篇又千金論千金須知此書宋宣和六年刻石於華州明景泰六年復易刊木板前有宣和六年自序後有正統甲子張楷序此卽景泰本罕見流傳孫淵如刊入平津館者系隆慶六年秦府耀州刻石本止分六卷蓋千金論千金須知孫本一卷此本分三卷也常熟張芙川藏本并有圖書云今在南園埽葉山莊他日不知歸何處不知何人他處亦未見後有道光己酉九月四日龍谿孫雲鴻借鈔并續一行雲鴻福建人署常熟福山鎮總兵知書精楷法有儒將風

新大成醫方十卷

宋刊本

不知撰人名氏各目錄亦無著錄首有咸淳丁卯良月廬山王元福序丸字作圓字畫整齊的是宋刻每半葉十二行行二十字高五寸七分廣三寸八分黑口單邊口上標方一卷十另配標大成醫方無新字半葉十行行亦二十字高五寸六分廣四寸一分末有壽春府王道錄傳治五蠱良方紙墨亦舊明文淵閣絳雲樓兩書有醫方大成未知是一是二也

新刊仁齋直指附遺方論二十六卷

明刻本

宋楊士瀛撰士瀛字登父號仁齋福州人前有景定甲子自序景定五年次年卽度宗咸淳元年則宋末人矣此本

爲明嘉靖庚戌所刻前有余鍔序稱直指列爲二十八卷
析七十九條今考七十九條之數與序相符而其書實止
二十六卷八字誤也附遺方論明嘉靖中朱崇正所續加
崇正字宗儒號惠齋徽州人弟二行新安歙西虬川黃鍔
刊行凡丸字皆作圓仍出於宋而明人竄亂之耳

素問元機原病式三卷

明刊本

金劉完素守真撰守真河間人事蹟具金史方技傳是書
因素問至真要論詳言五運六氣盛衰勝復之理而以病
機一十九條附於篇末乃於十九條中采一百七十六字
演爲二百七十七字以爲綱領而反復辨論以申之凡二
萬餘言他書相均作一卷此本從溫病分作下卷獨爲兩

卷前序年月亦割去似明嘉靖後刻耳偽印累累頗爲書
累俗賈可恨至此

格致餘論一卷

明刊本

元朱震亨撰震亨字彥脩金華人受儒學於許白雲受醫
學於羅太無前有飲食箴色欲箴意主陽有餘陰不足立
論自序云古人以醫爲吾人格物致知一事故曰格致餘
論前有至正九年宋濂序此本已失

衛生寶鑑二十四卷補遺一卷

明刊本

元羅天益謙甫撰謙甫藁城人謙甫受業東垣蓋升其堂
而入其室者是書采摭李氏精研之論益以論諸家之說
而以己意隱括之實爲醫家至要之書卷一至三曰藥誤

永鑑卷四至二十日名方類集卷二十一日藥類法象卷
二十二至二十四日醫驗紀述後附補遺一卷述外感傷
寒等證疑韓夷重刊時增葺前有鄒城硯堅題首天益上
東垣啟及王惲胡廣楊榮金幼孜蔣用文等序無名字補
遺韓夷刊板跋永樂十五年刻本固與宋元板一例珍藏
矣惜十八卷鈔配耳後弘治萬歷有重刻本

玉機微義五十卷

明刊本

元徐彥純撰彥純字用誠會稽人著有醫學折衷凡十七
類洪武丙子吳陵劉純廣之增爲二十三類改此名仍從
目錄各注續添二字是二人相繼而成並傳朱震亨之學
明史藝文志惟著劉純之名誤矣純字宗厚咸寧人刻於

正統己未楊士奇序收藏有西屏朱文小方印袁印廷檇
朱文壽階白文兩方印五硯樓朱文小長印

小兒衛生總微論方二十卷

明刊本

不著撰人名氏凡論一百條自初生以至成童無不悉備
論後各附以方前有嘉定丙午和安大夫特差判太醫局
何大任序稱家藏是書六十餘載不知作者爲誰博加搜
訪未嘗聞此書之流播因鋟於行在太醫院明初刻本分
元亨利貞四字每字五卷每半葉十行行二十八字黑口
單邊魚尾下署元集一 四庫所收及經籍訪古志所載
均是弘治二年俱題保幼大全今直題小兒衛生總微論
方首卷卽連目錄自是舊式恐非弘治閒本也

類編活人書括指掌方十卷

明刊本

是書以雙鍾處士歌括蒙齋指掌圖合刊建陽熊氏種德堂本他書未著錄日後有天順五年辛巳蒲月熊氏種德書堂新梨兩行牌子

熊氏手跋曰醫之道難矣雖雜病之有方而傷寒爲尤難漢長沙公以不凡之聖撫素難之精微作傷寒論垂萬世不易之法然其意旨幽深初學猶未得其要者故雙鍾處士歌括錢塘蒙齋指掌圖作焉誠治傷寒之捷徑也愚以二書彙合成一改次前八韻賦與後節目相貫以李子建十勸列諸篇端開卷則提綱撮要曉其勸戒其表裏二十證論各條增入歌括便其記誦行是道者苟能熟味其歌

詳玩其圖則治病之際瞭然在目豁然於心雖未能升仲
景之堂奧而仲景活人三百九十七法不外是矣所闕者
婦人胎產傷寒與小兒傷寒證治也今采諸家經驗良方
續作末卷以便觀覽云衛生君子幸垂藻鑒正統元年丙
辰三月朔旦鼇峰熊宗立敬識

保嬰全書二十卷

明刊本

明薛鎧編男已治驗鎧字良武吳縣人弘治中太醫院醫
士子已字立齋太醫院使良武著內科十卷先刻爲保嬰
撮要繼得外科十卷陝西巡撫趙可懷并刻之改名保嬰
全書時爲萬歷十七年有可懷序王緝序龔一清序王體
復跋

西方子明堂灸經八卷

明刻本

山西平陽府重刊檢古黃周宏祖輯古今書刻平陽府刊
祇有銅人鍼灸經而未列此書按黃帝內經明堂十三卷
取素問靈樞腧穴鍼灸論治分十二經編類而音釋之此
明堂灸經大約沿其名本其治而專論灸故曰灸經與銅
人鍼灸經不同

適園藏書志卷第七

吳興 張鈞衡 石銘

子部二

歷算類

大宋寶祐四年丙辰歲會天萬年具注歷一卷

傳鈔本

此宋寶祐四年歲在丙辰之歷書卷末題諸人算造具注
頒行者曰寶祐三年十月日保章正充同知算造兼主管
文德殿鐘鼓院荆執禮靈臺郎充同知算造楊旂靈臺郎
兼主管測驗渾刻漏所相師堯換授保章正充同知算造
譚玉靈臺郎判太史局批點歷書鄧宗文李輔卿朱竹垞
跋

古今律歷考七十二卷

明刊本

明邢雲路撰雲路字士登安肅人萬歷庚辰進士官至陝西按察司副使明刊本是書談律法者六卷談歷法者六十六卷自六經以迄明代一一考訂梅勿菴歷算書記頗不滿士登然推步之學後出尤精提要之言甚持平也首有萬歷戊申渭南孫瑋王邦俊孫承宗李維楨朱之蕃序長術輯要十卷附錄二卷

稿本

汪曰楨撰曰楨字謝城烏程人諸生紹興府學訓導謝城博極羣書通史學兼通算術自道光丙申夏推算歷代長術上起共和下與欽天監頒行萬年書相接各就當時行用本法每年詳列朔閏月建大小并二十四氣略如萬年

書之式至同治壬戌夏始寫定爲五十卷附以古今推步諸術攷二卷甲子紀元表一卷凡五十三卷莫大令子偲見之謂此書爲人之所不爲可以專門名家而惜其卷帙過繁宜別爲簡要之本庶便於謄寫刊刻因以卅歲之功刪繁就簡仿通鑑目錄專載朔閏又取羣書所見朔閏不合者綴于每年之末編爲輯要十卷其諸術攷二卷乃推步之凡例仍附于後書已刊行此其藁本

孫子算經三卷

九章算術五卷

張丘建算經三卷

五曹算經一卷

緝古算經一卷

寫校本算經十書缺夏侯陽海島五經算綴術第一種口
上有知不足齋恭摹餘無但朱筆校刊仍是淥飲手筆是
知不足齋刊行之底本

五曹算經五卷

影宋寫本

題唐朝議大夫行太史令上輕車都尉臣李漳風等奉敕
注釋 四庫本出於大典此本出自宋槧卷末有祕書省
三字一行又一行云五曹算經一部共一冊又三行列校
勘呈進諸臣云元豐七年九月日校定降授宣德郎祕書
省校書郎臣葉祖洽上進校定承議郎行祕書省校書郎
臣王仲脩校定朝奉郎行祕書省校書臣錢長卿又末葉

三行列督刊諸臣云奉議郎守祕書丞臣韓宗古朝請郎
試祕書少監臣孫覺降授朝散郎試祕書監臣趙彥若

輯古算經一卷

影宋鈔本

題唐通直郎太史丞王孝通撰并注其書與五曹算經同
時刻者卷末校定上進督刊諸人督刊結銜姓氏皆同

泰西水法六卷

明刻本

泰西熊三拔撰上海徐光啟筆記一卷曰龍尾車用挈江
河之水二卷曰玉衡車恆升車用挈井泉之水三卷曰水
庫記用蓄雨雪之水四卷曰水法附餘皆尋泉作井之法
而附以療病之水五卷曰水法或問備言水性六卷則諸
器之圖式也有萬歷壬子河東曹于汴上饒鄭以偉廬陵

彭惟成吳淞徐光啟諸序

術數類

潛虛一卷潛虛發微論一卷

明刻本

題宋太師溫國公司馬光撰其發微論題左朝奉郎御史張敦實撰後有陳應行跋

陳氏手跋曰右司馬文正公潛虛應行嘗恨建陽書肆所刊脫略至多幾不可讀及得邵武本雖校正無差而繇辭多闕淳熙九載文正公會孫待制侍郎出守溫陵應行備數芹類獲忝門下士之列親得公家傳善本繇辭悉備復以張氏發微論附之應行再拜以請曰願廣其傳以惠學者公曰是吾志也遂以邵武舊本參稽互考刻之郡庠使

人人得見全書抑何幸耶
漳熙壬寅孟冬朔日迪功郎充
泉州州學教授陳應行謹跋

範衍十卷

明刻本

明錢一本撰一本字國端

提要作國瑞誤

武進人萬歷癸未進士

官至福建道監察御史以建言罷歸天啟初追贈太僕寺

卿事蹟見明史本傳國端研究六經 四庫收像象管見

此書從洛書推洪範以箕子所傳禹疇九章即為龜卜全

書之實據以一見占五行以二見占五事以三見占八政

以四見占五紀以五見占皇極以六見占三德以七見占

稽疑以八見占庶徵以九見與隱占福極蓋太玄洞極潛

虛之類

通變四十卷

影宋寫本

宋張行成撰行成字文饒臨邛人紹興二年進士學易于
譙定官右迪功郎丐祠歸尋起爲成都府路鈐轄司幹辦
公事二十二年王孝忠謀叛成都帥曹筠閉閣不敢出官
僚往往逃避行成排闥入見邀筠出廳事整兵授甲尋卽
平定乾道二年進呈易書七種除直徽猷閣出知漢州號
令嚴明盜賊屏息豪強退聽倉庫充實以汪應辰薦知潼
川府以終自號觀物先生見宋史譙定傳繫年要錄提要
言始末不甚可考非是呈進易書七種一述衍十八卷以
明伏羲文王孔子之易一翼元十二卷以明揚雄之易一
元包數義三卷以明衛元嵩之易一潛虛衍義十六卷以

明司馬光之易皇極索隱二卷以明邵雍之易一皇極經世觀物外篇衍義九卷專明皇極經世外篇之義一通變四十卷其說取陳搏至邵子所傳先天卦數等十四圖敷演解釋以通其變故謂之通變此影宋寫本前有張行成自序每半葉八行行十六字高八寸二分廣五寸六分版心有通幾等字 四庫署名作易通變另鈔本作皇極經世通變此本每卷首行亦但題通變二字而無易字與提要所云宋本合字畫工整匡格闊大與眉山刊七史相似當從蜀本影摹者止脫進書考一首朱竹垞經義考仍收入易類而注未見流傳亦不甚廣首葉有曾在上海郁泰峰家朱文長印郁泰峰己亥年所收書朱文小長方印

新編四家注解經進珞瑜子三命消息賦六卷影元舊鈔本

賦不著撰人作注者題保義郎監內香藥庫門臣王廷光
宜春李全嘉禾釋曇瑩東海徐子平所謂四家是也大典
所收兩種今刻于守山閣均與此異

增注周易神應六親百章海底眼二卷影鈔元本

題臨川王翦大鼎撰杭郡何侁信亨重編錢塘東齋徐大
升進之校正影摹特爲精整

靈臺祕苑十五卷精鈔本

北周庾季才撰宋人重修目錄後題編修官司天監丞管
句測驗渾儀刻漏于大吉司天中官正權判司天監丁洵
同看詳官奉議郎輕車都尉歐陽發看詳官翰林學士承

議郎知制誥權判尙書吏部判集賢院提舉司天監公事
上騎都尉王安禮諸臣銜名案發字伯和文忠公之長子
史稱其天文地理靡不悉究官至殿中丞而不言其嘗爲
此書安禮字和甫安石之弟其爲翰林學士在元豐初未
改官制以前故太史局猶稱司天監宋史藝文志有安禮
所撰天文書十六卷殆以其研究是術故俾司看詳歟

乾坤變異錄一冊

舊鈔本

唐李漳風撰記占驗之事惠定宇藏書有惠棟之印白文
字曰定宇朱文兩方印紅豆山房校正善本白文大方印
黃氏手跋曰此乾坤變異錄一冊余因爲惠氏藏書收之
取核讀書敏求記所載者多不同記云乾坤變異錄四卷

李漳風搜覽古今變異事勒成三十六篇釐爲四卷序而傳之茲通爲一冊不分卷一異也勒成三十六篇此天部占至雲氣入列宿及中上外宮部占無三十六篇之數二異也記云序而傳之此卻無序三異也蓄疑久矣頃又從坊間獲一舊鈔本卷仍不分而三十六篇及序卷首班班可考似較惠本爲勝然篇數尙有缺且每篇文理彼此不同未能據以改正兩存之可耳彼所失篇此卻有之不知本子所出之原未可鈔補繼自今當以後得本爲甲此爲乙也辛未四月晦日復翁記

藝術類

宣和書譜二十卷

明刻本

此書相傳爲蔡京蔡卞米芾所定衍極云大德壬寅延陵
吳文貴和之哀集已足補館臣之缺是吳刊本而楊升菴
復刊滇中卽此本也前有升菴書畫譜總序

宣和畫譜二十卷

明刻本配
舊鈔本

不著撰人名氏記宋徽宗朝內府所藏諸畫所載共二百
三十一人計六千三百九十六軸分爲十門一道釋二人
物三宮室四蕃族五龍魚六山水七鳥獸八花木九墨竹
十蔬果崇寧初命宋喬年值御前書畫所宋後繼以米芾
精於賞鑒故其所錄收藏家據以爲徵此本前有楊慎題
畫譜序又宣和庚子夏日序而不加御製自是相傳古本

廣川書跋十卷

校本

宋董道廣川撰何義門校本董書已佳義門所校之本尤善校又極細付刊悉照何改武原馬氏藏書白文方印是漢唐齋舊藏編入適園叢書五集有跋

衍極五卷

明刻本

元鄭杓撰杓字子經羅源人泰定中官南安教諭與陳旅爲文字交著衍極爲五篇衍極記載三篇專論書法宣撫使齊伯亨采而上之作衍極堂以藏其書同郡劉有定釋定字能靜號原範莆田人見書史會要蓋亦文雅之士此明沈率祖刻本附攷釋一卷 四庫收大典本此則原書然記載三篇亦缺矣前有元延祐七年李齊序明成化乙巳宋端儀序婁堅序率祖自序收藏有潤州蔣氏藏書朱

文長方印麟見廷讀一過朱文方印

黃氏手跋曰此衍極五卷雖明刻本然分卷尙是舊第未經硬分二卷也余得諸闔門橫街留畊堂書坊用白金六星蓋書不甚緊要而敏求記載之當亦不恆有之書也癸亥夏至日黃丕烈識

書訣一卷

藝海樓鈔本

明豐坊撰坊字人翁鄞人見明史人翁善書故論書獨善

清祕藏二卷

傳鈔本

明張應文撰應文字茂實崑山人其子丑改名謙德字廣德卽撰清河書畫錄及真蹟日錄者是編雜論玩好賞鑒諸物其曰清祕藏者王穉登序謂取倪瓚清祕閣意也上

卷分二十門下卷分十門其體例略如洞天清祿附法書
名畫見聞表南陽法書表清河祕篋書畫表南陽名畫表

古今畫鑑五卷

舊鈔本

明羅周上撰周上字孔兼歛人取古來畫人自黃帝至明
分朝采名略注爵里又附山水畫法一卷

書畫題跋記十二卷續記十二卷

舊鈔本

明郁逢慶撰逢慶字叔遇別號水西道人嘉興人嘗據所
見書畫錄其題跋分前續兩卷采摭繁富實足爲後學考
訂之資每卷末有崇禎甲戌仲冬三日暢敘堂藏一條卽
叔遇自識也

式古堂書畫考六十卷

舊鈔本

卞永譽撰永譽字令之鑲紅旗漢軍官至刑部左侍郎王
阮亭居易錄云卞中丞永譽貽書畫彙考六十卷凡詩文
題跋悉載上溯魏晉下迄元明所收最爲詳博朱竹垞論
畫詩亦有妙鑒誰能別苗髮一時難得兩中丞之句蓋卞
令之宋商正皆精於賞鑒宋時爲江西巡撫卞時爲福建
巡撫故云兩中丞也是書書畫各三十卷先綱後目先總
後分先本文而後題跋先本卷題跋而後引據他書條理
秩然且視從來著錄家徵引特詳是書卷表繁重刊板極
雅印行不多此乾隆時鈔本已云不易得況又一百餘年
後耶收臧有曾爲徐紫珊所臧朱文長印

陳氏手跋曰式古堂書畫彙考係蓋牟卞公就所見法書

圖畫考其源流別其眞贗彙而成書坊印未久板已散漫
欲求舊本頗不易得乙酉長夏表弟董蔚文談及家有鈔
本二其一缺而不全僅存其半卽出其半惠余計書共六
十卷書畫目四卷檢其缺數少書目二卷書畫前後少廿
九卷借其全書與吾同人暇時鈔錄期年而事竣誠快事
也珊瑚網書畫舫諸書記載非不廣博終不若是書之一
圖一冊無不原原本本考究詳明前人圖章題跋悉錄無
遺宜乎賞鑒家爭購而珍藏之也今緡閱之餘向之求而
不得者今已不求而得矣向之求其殘編斷簡而不能者
今已得全書而觀其大備矣藉以資考鏡而廣聞見者豈
淺鮮哉是役也始于乾隆三十年之九月書成于三十一

年之十月書諸簡端記起訖云耳武原後學陳時行記

別下齋書畫錄七卷

傳鈔本

蔣光煦撰光煦字生沐海寧人性好經籍書畫別下齋藏書宋元佳刻名家鈔本足與收藏家相抗衡著藏書錄十卷惜不傳書畫精品大半得於吳中及當湖武原諸故家又商之於丹徒嚴問樵嘉興李香泚吳江翁小海道光庚戌與同里許羹梅茂才纂別下齋書畫錄若干卷清本未竟羹梅謝世諸執友並皆星散於是悵悵無所偶收藏之興爲之稍減咸豐庚申寇陷州城並焚硤石生沐之居燼焉畢生所弄一旦盡歸劫火遂侘傺無聊酒後每撫膺慟哭是冬卽抱恨以終舊友管君芷湘收其草藁一冊及許

君手藁二冊繕成七卷稍留梗概而已

譜錄類

文房四譜五卷

舊鈔木

宋蘇易簡撰易簡字太簡銅山人太平興國五年進士官至參知政事事蹟見宋史列傳此書一二卷筆三卷硯四卷紙五卷墨每譜皆一敘事二造三雜說四辭惟筆譜多一筆勢耳前爲東海徐鉉序後易簡自序此本鈔手極舊校勘亦精收藏有毛裛印信白文華伯朱文兩方印象南朱文界格方印高生象南白文兩方印信古樓攷藏印朱文長方印

至大重修宣和博古圖三十卷

元刊本

宋王黼撰此元至大中刊本明印板亦破碎前後又屬鈔

醜

泉志四卷

舊鈔本

宋洪遵撰遵字景嚴鄱陽人事蹟見宋史本傳是書彙輯歷代錢圖分爲九品自皇王偏霸以及荒外之國凡有文字可紀形象可繪者莫不畢載頗爲詳博此鈔行書極佳口上有玉連環室四字

米海嶽畫史一卷

明翻宋本

宋米芾撰此本半葉十一行二十字明人繙宋本共十餘種此初印本薰紙書估僞充宋槧後有康熙癸巳蔣生子範所贈一行髣字一印均眞明刻如此等書殊可寶愛寬

簾紙明亦有之特不能硬證爲宋耳顧跋錄入餘不錄持
靜齋所藏宋本真偽雜出至以士禮居捺印國策以爲士
禮祖本登諸書目中丞固憤憤經眼者亦憤憤耶

顧氏手跋曰明代藏書家如山陰淡生堂祁氏鄞縣天一
閣范氏樵李天籟閣項氏山右松談閣郭氏崑山棊竹堂
葉氏國朝則崑山傅是樓徐氏常熟汲古閣毛氏錢氏泰
興季氏是冊宋槧初印善本不獨闕簾天地頭無霞綫可
按如賸貞徵躬等字敬避宋廟諱丌爲宋版無疑首葉下
有葉氏藏書印蓋卽文莊故物未有殊字一行何義門太
史手矣也咸豐四年嘉平月丑臺誌

蔣棟字子範蔣杲字子遵長洲人皆何太史弟子載義

門小集

硯箋四卷

影寫舊本

宋高似孫撰似孫字續古號疏寮餘姚人淳熙十一年進士歷官校書郎出倅徽州遷守處州著作甚多是書成於嘉定癸未說硯志石端一歛二考證多方並及題詠出研史諸書之上前有自序四庫言其後數語僻澀細味之亦殊可解

新纂香譜二卷

傳鈔本

宋陳敬撰敬字子中河南人原書四卷此存卷一卷二爲香品香異修製印篆凝和諸類有熊朋來序洪氏香譜序顏氏香譜序葉氏香錄敏求記著錄卽此本今刻入適園

叢書

墨藪二卷附法帖釋文一卷

傳錄本

舊本題唐韋續撰不詳里貫通考載墨藪十卷書錄解題
曰十八篇又一本三十一篇此二卷爲明程榮所刻上卷
五十六種書第一九品書人第二書品優劣第三續書品
第四梁武帝評第五書論第六論篆第七用筆法并口訣
第八筆陣圖第九又筆陣圖第十下卷張長史十二意法
第十一王逸少筆勢傳第十二指意筆髓第十三王逸少
筆勢圖第十四筆意第十五晉衛恆等書勢第十六勸學
第十七貞觀論第十八書訣第十九徐氏書記第二十唐
朝書法第二十一與振孫所言又一本合蓋卽所見書中

所記止于唐文宗柳公權事當出于開成後人後附宋陳與義法帖刊誤卽榮所刻此傳錄本

方氏墨譜六卷

明刻本

明方于魯撰于魯新安人初名大激字于魯後以于魯墨聞於神宗上亟稱于魯遂更以爲名製墨入妙品黝而澤緻而黑同時程君房未能或之先也茲譜亦描摹惟肖爲詞苑雅觀云分國寶國華博古博物法寶鴻寶六類萬歷癸未汪道昆序

端谿硯石錄一卷附觀石錄一卷

舊鈔本

高兆撰兆字遺菴號固齋侯官人端谿硯石自宋著名固齋來粵適逢開采因寫其阬其洞其紋其色歷次開采之

艱難得石之欣喜徵其說於石工定其文於良友可謂辨
析毫芒矣觀石考記壽山石出於福州城東開自近時佳
者珍同球璧亦造物之奇日出不窮者收藏有吳印元潤
白文謝堂朱文香雪齋吳氏珍藏圖書朱文長印

桂亭研銘一卷

廣玉撰廣玉字桂亭圖們氏滿洲人官廣東肇羅道嘉慶
二年開端谿水阬得四百餘片成佳研二百餘方方系以
銘

茶錄一卷

影鈔本

宋蔡襄撰襄莆田人仁宗賜字曰君謨官至端明殿學士
諡忠惠事蹟具宋史本傳是書乃其皇祐中爲右正言修

起居注所進分上下二篇自撰前後序此書錢遵王與茶具圖贊蔬食譜精寫又附以觴政段食良方燭夜仙酒法合爲一冊每卷末一紙欄方左角有錢遵王述古堂藏書八字

茶具圖贊一卷

影鈔本

後一行題咸淳己巳五月夏至後五日審安老人書各圖

摹繪絕精

蔬食譜一卷

木心翁門人清漳陳達善編見百川書志

洛陽花木記一卷

傳鈔本

宋周師厚撰據自序爲鄞江人元豐中官於洛陽所作列

牡丹百餘品芍藥四十餘品雜花三百六十餘品其敘牡丹名品尤詳末及栽接之法意以諸家之譜未備因卽聞見所及增補之是出於歐公洛陽牡丹敘之外

桐譜二卷

傳鈔本

宋陳翥撰并序翥字子翔自署銅陵逸民又號咸聲子繹書中載自作植桐詩文蓋慶歷間人未仕而隱者借桐以見志也分十類上卷曰敘原曰類屬曰種植曰所宜曰所出下卷曰采斫曰器用曰雜說曰紀誌曰詩賦是書惟見陳氏書錄宋詩紀事未采其詩足見傳本之少今刻入適

園叢書

金章蘭譜一卷

傳鈔本

宋趙時庚撰自序作於紹定癸巳

籬下放言二卷

藁本

不著撰人姓氏然自序言有萬歷癸卯孟秋處暑日吳會戴從文識不知卽其所撰否首論前人菊譜次花名次培養經驗旣久文筆亦新亦可爲東籬生色矣

雞冠花譜一卷

藝海樓鈔本

張繼敬撰

通園藏書志卷第七

適園藏書志卷第八

吳興 張鈞衡 石銘

子部三

雜家類

慎子內外篇

明刻本

周慎到撰趙人慎子之學觀莊周天下所稱近於釋氏然漢志列之法家漢志作四十二篇唐志作十卷滕輔注崇文總目作二卷三十七篇 四庫作一卷此本作內外二篇明湖人慎懋賞刻本較 四庫本守山閣本均不同守山閣據治要御覽各書輯爲逸文者此均有之雖互見驚子莊老等書亦諸子之成例似高出各本上而各家書目

亦未著錄懋賞號雲台淵博嗜古讀書颺文陽中廣宋百家爲之彙正并爲音釋兩篇

淮南鴻烈解二十八卷

明弘治刊本

漢太尉祭酒許慎記上後學劉績補注後學王溥較刊分卷與道藏本同前爲高誘舊序後有弘治辛酉蘆泉劉績識曰淮南一書乃全取文子呂覽莊列鄧析慎子山海經爾雅諸書乃當時所召賓客之言故文駁事舛漢許慎記上而高誘爲之注記上猶言標題進呈也先儒誤爲慎注又疑非誘注按注中云誘不敏則爲誘注明矣舊本殘譌自誘注時已不能辨如以禁苛爲奈何之類甚多暇據他書補數千字改正數百字刪去百字疑者仍存難釋者草

草書數語釋之每半葉九行行十七字黑口明板之最善者績字用熙江夏人弘治庚戌進士官至鎮江知府內中校語系蕭江聲白沙筆後有柔兆浚灘六月乙丑江聲校訖朱書一行有白沙手校朱文白沙江聲白文兩方印白沙常熟人校語無空言是能讀書者

又

明嘉靖刊本

延平黃焯重刊劉績補注本嘉靖庚寅刻

顏氏家訓二卷

明刊本

北齊顏之推撰之推本名介以字行事蹟具北齊書本傳此書以七卷本爲佳此則萬歷三年復聖六十四世孫博士嗣慎重雕程伯祥本有張一桂及于慎行兩序

長短經九卷

舊鈔本

唐趙蕤撰蕤字太賓梓州鹽亭人博學韜鈴長於經世是書皆談王霸經權之要成於開元四年缺第十卷爲袁氏五硯樓舊藏鈔手極精收藏有廷禱之印袁氏又愷兩朱文方印

齊丘子一卷

明道藏本

南唐宋齊丘撰齊丘字子嵩廬陵人佐徐知誥得國官太傅封楚國公以譴死事蹟見南唐書本傳此書道家言卽化書改名又合六卷爲一然道術德仁食儉六化仍分六篇共一百十篇實紫霄真人譚景昇之書齊丘竊之仍名化書此道藏本又改爲齊丘子收藏有張印紹仁白文張

學安朱文兩方印蘇臺逸吏丁日昌字持靜號禹生朱文

右雜學

劉子十卷

明刊本

魏劉晝撰唐袁孝政注晝字孔昭渤海人見北史儒林傳而未及此書故世謂爲劉勰又爲劉歆劉孝標皆非也吉藩刊本及子彙本直謂晝撰凡五十五篇泛論治國修身之要雜以九流之說袁孝政注據郡齋讀書志載爲唐人舊有序今已佚矣此萬歷壬申海虞蔣心化入長安得道藏本因刻於孝昌署中有跋已失去收藏有王氏子男朱文小印

萬歷丙申長至前三日秀水項玄池詒

吳氏手跋曰是書前後副葉俱有題字不知卽圖章之王
予男否項元池當是墨林後人惜未詳其名昔董文敏得
王孟端墨竹卷於元池家見江村銷夏錄中豈卽其人邪
至新論昔人多擬其非劉晝所撰其書至南宋始出又北
齊書及北史並不言晝有新論黃東發謂書中多避唐諱
疑是唐人僞託予觀九流一篇大都刺取漢書藝文志中
語而昇道家於儒之上則其爲唐人顯然矣作注之袁孝
政亦無所表見其注多蕪陋且不類唐人手筆當更攷之
乾隆乙巳清明日槎客吳騫識

按劉晝字孔昭北齊人傷已不遇而播遷江表著書自見
號石匏子其文大旨不謬于聖人

又按書錄解題述袁孝政序云晝傷已不遇天下陵遲播
遷江表故作此書則前尙有袁序不知何時失之翌日騫
再誌

又曰頃周芑兮大令得舊鈔本首題劉處元集細閱之卽
此書也并摘錄袁注于簡端予從大令借得歸安丁小正
學博知之以其所藏明何九中刊本授予屬爲校勘爰取
此本合參之按劉處元金時人道藏中有仙藥集四卷皆
詩詞歌頌而未聞有他著述此題劉處元集尤不可解也
槎客又書

讒書四卷

舊鈔本

唐羅隱撰隱字昭諫餘杭人乾符初舉進士不第廣明中

遇亂還鄉依錢武肅王以終此書四卷舊鈔本黃蕘圃舊藏

隆慶二年二月中旬借顧從化元板本鈔第二卷內闕二葉鈔完因以吳越備史列傳書卷首錢穀記

隆慶四年七月初一日從錢罄室借鈔

黃氏手跋曰海寧吳君槎客因吳江楊進士慧樓有言聞吳興書賈云吳門藏書家見有全帙尙願宛轉借鈔故託其同邑陳仲魚向余借鈔其實余無此書遂謝之此乙丑春事也後余從書肆果得吳枚菴鈔本有前四卷可補吳槎客本急寓書仲魚取槎客原本五卷者相質證實較吳枚菴多所裨益而前四卷復賴余所得枚菴鈔本足之爰

倩鈔胥鈔此以寄他日可語慧樓俾遂宛轉借鈔之願云
丙寅正月十一日堯翁識

又跋曰枚菴所鈔云鈔自王西莊光祿家光祿僑吳之龐
家衛今已下世其所藏亦稍稍散出可慨也堯翁又記
又跋曰讒書前列題詞槎客本與枚菴本微有不同余用
紅筆校于上方鈔者不知誤寫入茲仍校出注之堯翁

讒書五卷

游月卿
手鈔本

鈔在前書之後特是五卷足本耳

咸豐辛酉小春月中浣南沙女士宗婉校正於昭陽寓次
并識

習學記言序

五十卷

舊鈔
本

宋葉適撰適字正則永嘉人淳熙五年進士第二人官至寶文閣學士通議大夫卒諡忠定事蹟見宋史本傳此書取經史諸子及呂氏文鑑論述之語多醇正嘉定十六年門人山陰孫之宏序之宏字偉夫後有南陽道轂題識舊鈔本口上有萃古堂三字字迹工緻

書齋夜話四卷

傳鈔本

宋俞琰撰琰字玉吾學者稱石礪先生吳郡人著述甚富此書乃其平日讀書論文隨所得而筆記者此書傳自澄江楊武屏名出楊文定之弟素有淹雅名者後附玉吾事蹟兩段亦他書罕見

資暇集二卷

舊鈔本

唐李匡乂撰題李濟翁宋避太宗諱故書其字唐藝文志
有李匡文兩漢至唐年記一卷注曰昭宗時宗正少卿蓋
卽匡乂是唐末人讀書志載有是序此已無之

近事會元五卷

舊鈔本

宋李上交撰上交贊皇人書成於嘉祐元年前有自序退
隱鍾陵所作自唐武德至周顯德雜事典制皆有考證是
書出於明萬歷壬午玄素齋本馮已蒼鈔之吳枚菴再鈔
之蕘圃再鈔之而跋其後卽此本仍是士禮居原裝敬朗
慎徵皆缺筆元出於宋蕘圃又寫敏求記一則於前

馮氏手跋曰太歲乙酉避亂於洋蕩之村居是年閏六月
憂悶無聊遂手書此本二十日而畢是書爲秦季公所藏

予從孫岷自借鈔之七月初六日孱守老人記

吳氏手跋曰右係薄丈啟源原本余從余君蕭客鈔得之
雖甚小碎然可補唐五代典故之闕也孱守老人姓馮氏
名舒字已蒼又號癸巳人虞山人丙申七夕延陵吳翌鳳
書

陸氏手跋曰今年春黃丈蕘圃以是書屬鈔其副緣此書
甚祕外間絕少流傳且可攷唐一代掌故之遺有裨正史
非泛常類書比也顧前人以二十日畢之而余衣食奔走
日不暇給書此幾及半載卽此可見古人讀書精敏爲不
可及而余孳惰無匹是可慨已嘉慶十八年癸酉六月三
十日書畢識媿陸奎拙生甫書

黃氏手跋曰余蓄雜家書多舊本大半出諸讀書敏求記所載者唯李上交近事會元五卷間名而已未見其書也客歲吳枚菴先生自楚歸行篋中留得古籍數十種余次第借校獲益甚多中有未蓄者擬錄其副近事會元其一種也因屬余友陸拙生錄之時枚菴將爲浙中之游思急還之故促迫拙生甚至然卒賴友人力得遂錄副之願拙生并爲余云孱守本在紹興蕭山李柯谿所亦考索古書源流之一助也并記復翁

是冊裝池尙出良工錢半巖手近日已作古人惜哉其子雖亦世其業而其裝池卻未之見不知能傳父之手段否

甲戌閏春復翁偶記

蕭山李柯谿僑居吳市頗收古書余友吳枚菴與之往還
枚菴云柯谿回家屬其以原本帶出俟其假到時當更以
原本勘之乙亥端五後一日復翁記

柯谿去官業賈人本麤豪余雖于枚菴座中一識其面未
敢與訂交矣其所收書大槩爲轉鬻計蓋蕭山有陸姓豪
於財向喜收書近日能收書者大半能蓄財者可慨也夫
戊寅初冬復翁漫識

猗覺寮雜記二卷

舊鈔本

宋朱翌新仲撰新仲自號灣山居士舒州人政和中登進
士第南渡後官中書舍人此本首洪咨齋序次載與洪丞
相求序書三卷皆舊第未曾移動也是鈔在知不足齋本

之前矣

東觀餘論二卷

校明本

宋黃伯思撰伯思字長睿邵武人元符三年進士自號雲林子何肥瞻据明萬歷項氏刻校津逮本項氏所据樓攻媿改定本今長睿之子諱刊本重見於世又在樓本之上

能改齋漫錄十八卷

舊鈔本

宋吳曾撰曾字虎臣崇仁人官至知嚴州致仕卒此書分事始辨誤事實沿襲地理議論記詩記事記文類對方物神仙鬼怪十三類吳尺鳧記云聞之毛丈斧季言此從祕閣鈔出缺首尾二卷焦弱侯所傳本以第二卷第十七卷均分作二卷實非完帙有其子復後跋此舊鈔本并錄鮑

涿飲校

能改齋漫錄十八卷

舊鈔本

收藏有曹震甲私印白文方印明善堂覽書畫記白文安樂堂藏書記朱文兩長方印唐樓朱氏結一廬圖書記朱文方印

能改齋漫錄二卷

明鈔本

鈔錄中第六第七兩卷鈔本極舊

正德己巳季秋三日閩闔葉琳錄藏於雁村凝香齋

拙經叟黃廷鑑向芙川先生假讀時丙申秋七月十有八日

錢氏手跋曰宋吳虎臣能改齋漫錄十八卷末有紹興二

十七年十月虎臣之子復後序王漁洋從秀水朱氏借鈔
乾隆間桐鄉汪學遽得之遂刻以行此本卽其中第六第
七兩卷事實一門是明正德間吳門葉氏手錄別行者余
所見此錄中第三四五三卷辨誤一門學海類編標題作
辨誤錄亦別出以行豈當時未見全本抑或擷其精英別
行耶殆不可曉就此兩卷將汪刻本校對其中字句勝於
汪本甚多始知是本之可寶在此芙川先生宜永保之丁
酉小春夢廬錢天樹

辨誤錄二卷

舊鈔本

此漫錄之第一類學海類編立此名收臧有宋筠朱文方
印雪苑宋氏蘭揮藏書記朱文長方印

學林十卷

明鈔本

宋王觀國撰觀國長沙人賈昌朝羣經音辨載有觀國所作後序結銜稱左承務郎知汀州寧化縣主管勸農工事兼兵馬監押末紹興壬戌秋七月中澣則宋南渡後人也攷證詳洽辨析精核於南宋諸家最爲傑出行世有聚珍本有湖海樓本此明鈔本每卷有目與書接連觀國二小字居中似原出於宋本佳書也

得樹樓雜鈔十五卷

藁本

查慎行撰初白老人筆記點竄刪併皆先生親筆手藁已刻入適園叢書第七集

經史避名彙攷四十卷

傳鈔本

周廣業撰廣業字勤補海寧人舉人是書分門有原名序
例帝王宮掖儲副藩封戚畹官僚官寺親屬師友道釋閭
閻神祠遠服雜諱凡一十有六爲卷四十有六大要以經
史爲綱領諸子百氏爲條目旁徵曲引寧詳無略高于昔
人之書多矣先生著述如關帝徵信編文昌通紀孟子四
考已付剞劂意林補注讀經隨筆季漢官爵考寧志餘聞
循陔纂聞三餘摭錄過夏雜錄冬集紀程客皖錄客皖紀
行桐川石墨蓬廬詩鈔蓬廬文集俱膳有清本餘若讀易
纂略動植小志時還讀我書錄目治偶鈔四部寓眼錄兩
浙地志考鄉會副榜考知不足齋叢書目錄考可謂宏富
惜刊行太少急錄此本入目

右雜考

論衡三十卷

明刻本

此通津草堂本原出宋慶歷中楊文昌刊在論衡中爲最善第一卷七下一葉此書亦脫今補之如右

矣夫如是市虎之訛投杼之誤不足怪則玉變爲石珠化爲礫不足詭也何則昧心冥冥之知使之然也文王所以爲糞土而惡來所以爲金玉也非紂憎聖而好惡也心知惑蔽蔽惑不能審則微子十去比干五剖未足痛也故三監讒聖人周公奔楚後母毀孝子伯奇放流當時周世孰有不惑乎後鷓鴣作而黍離興諷詠之者乃悲傷之故無雷風之變周公之惡不滅當夏不隕霜

鄒衍之罪不除德不能感天誠不能動變君子篤信審
已也安能遏累害於人聖賢不治名害至不免辟形章
墨短掩匿白長不理身冤不弭流言受垢取毀不求潔
完故惡見而善不彰行缺而跡不顯邪僞之人治身以
巧俗脩詐以偶眾猶漆盤盂之工穿牆不見弄丸劍之
倡手指不知也世不見短故共稱之將不聞惡故顯用
之夫如是世俗之所謂賢潔者未必非惡所謂邪污者
未必非善也或曰言有招患行有召恥所在常由小人
夫小人性患恥者也含邪而生懷僞而遊沐浴累害之
中何招召之有故夫火生者不傷溼水居者無溺患火
不苦熱水不痛寒氣性自然焉招之者君子也以忠言

招惠以高行招恥何世不然然而太山之惡君子不得

名毛

据元本補

封氏聞見記十卷

鈔校本

唐封演撰天寶中爲太學生結銜題朝散大夫檢校尙書吏部郎中兼御史中丞蓋終於是官此書有雅雨堂本此本較勝

夢谿筆談二十六卷

元刻本

宋沈括撰括字存中錢塘人嘉祐二年進士熙寧中官翰林學士龍圖閣待制謫均州團練副使後復光祿少卿事蹟見宋史本傳括博聞強記一時罕有儔比晚居潤州見其山川之勝與舊時夢游之境相合遂買地築室名曰夢

谿暇著筆談元刊本每半葉十一行行二十一字高六寸
廣三寸九分黑口雙邊與他本不同前後無序跋疑脫

鶴山雅言一卷

元刻本

宋魏了翁撰是文靖隨筆劄記之書門人稅與權分類纂
輯與權字權甫蜀人文靖大全集一百有九卷此卷居末
吳郡金伯祥於至正二十四年命其子鏐繕寫付梓歸板
鶴山書院文彝自跋每半葉十二行行二十一字高六寸
廣四寸四分黑綫口單邊各家書目止絳雲樓書目浙江
采集遺書總錄載之書後有渤海金天瑞刻梓歸于鶴山
書院兩行收藏有韻園藏書畫記朱文方印

餘冬序錄六十五卷

明刊本

明何孟春撰孟春字子元郴州人弘治癸丑進士官至吏部左侍郎爭大禮削籍隆慶初贈禮部尙書諡文簡事蹟具明史本傳是書內篇二十五卷前五卷多論君道後二十卷多論古今人品外篇三十五卷又閏五卷皆雜論也刻於嘉靖戊子前有自序

餘冬序錄摘要二卷

明刻本

明何孟春撰新都楊慎摘其體要以就簡易止留二百六十條慎自序

琅邪代醉編四十卷

明刻本

明張鼎思撰鼎思字睿父長洲人萬歷丁丑進士官至南京太僕丞署在滁州琅邪時雜鈔諸史百家之言臚次成書

名曰代醉編歐陽修在滁州時有醉翁亭鼎思適官其地
以著書代飲酒也提要譏其體例龐雜然如三水小牘一
條卽他書所未見披沙采金不可謂中無金也

穀山筆塵十八卷

明刻本

明于慎行撰慎行字行遠東阿人隆慶戊辰進士官至禮
部尙書事蹟具明史本傳此編乃其退居穀城山中時所
著分三十五類皆一代之掌故

說略三十卷

明刻本

明顧起元撰起元字太初江寧人萬歷戊戌進士官至吏
部左侍郎諡文莊此書前有萬歷癸丑自序曰有掌錄無
古學離爲二十卷名曰說略自京歸舟敗於南陽之決河

此書亡矣舊稿尙存張君處會又物故既而其家檢以歸予頗有珠還之喜因釐正而附益之僅蕞爲三十卷爲象緯爲方輿上下爲時序爲人紀爲官儀爲史別上中下爲禮蕞爲律支爲典述上中下爲字學爲書畫爲李法爲冥契上下爲居室爲服飾爲工攷上下爲諧志爲食憲爲珍格爲卉牋上下爲蟲注上下新安吳德聚爲刊行有自序

何氏語林三十卷

明刊本

明何良俊撰良俊字元朗華亭人其義例門目仿劉義慶世說新語而雜采宋齊以後事蹟每條下又仿劉孝標例自爲之注館臣稱其語有根柢非明人他小說可比前有文徵明序及目錄凡三十八篇總二千七百八十六事陸

師道後序

焦氏筆乘六卷續八卷

明刻本

明焦竑撰竑字弱侯應天旗手衛籍山東日照人萬歷己丑進士第一授修撰事蹟具明史文苑傳弱侯藏書最富朱竹垞稱其所儲勝於中祕多手自鈔撮是書攷證舊聞推演名理博雅淹貫亦不讓楊用修朱鬱儀粵雅重刻以提要稱八卷不分正續爲誤然原書末後有金陵人物表粵雅尙未刻入

蓬軒類記四卷

明藍格鈔本

明黃暉撰暉字日昇號東樓吳縣人弘治庚戌進士官至刑部郎中此書雜記舊事上自朝廷典故下及談諧鬼怪

之屬無所不錄分功臣紀科第紀賦役紀國初紀妖人紀
災異紀異人紀厚德紀政績紀忠烈紀高士紀異行紀固
介紀穎慧紀德怨紀節婦紀著作紀詩話紀技藝紀冠衲
紀夢紀果報紀滑稽紀怪異紀黠盜紀祛惑紀商販紀釋
冤紀諸目所載吳事尤多

東坡先生物類相感志十八卷

舊鈔本

宋人僞書分天地人鬼鳥獸草木竹蟲魚寶器十二門收
藏有海寧陳鱣觀朱文長印

授書隨筆十七卷

舊鈔本

黃宗羲撰宗羲字太沖餘姚人事蹟見國史儒林傳此
書未見著錄自經史子集無不訂定頗與日知錄相似

讀書隨記一卷續記一卷剩語一卷刻

本

此書字迹古正自序署湖上逸人題於三十樹梅花閣贖語題上章攝提格王西莊以爲元順帝至正十年所撰當爲杭人後攷此書乃無錫王邦采撰邦采字貽六晚號逸老亦曰逸人隱居太湖之濱所著有離騷注釋徐孝穆晁具茨吳淵穎諸集注及此書皆自撰自書自刻而不署名所注皆引宋以前書止十七史纂要及說郛略近使人疑爲元明閒人孰知上章攝提格乃康熙四十九年庚寅也然刻本亦不多見

聽雨錄一卷

傳鈔本

陳撰著撰字楞山號玉几山人鄞人寓杭最久乾隆丙辰

薦舉博學鴻詞工書善畫皆入逸品年至八十以外先生
南宋雜事詩題辭有云宋社旣屋南渡事蹟俱湮其雜見
於志乘紀載者悉零槁子屑缺而未備予本鄞人僑居是
地屢欲搜討勒成一編而遺文放失祕籍莫窺無已而閱
市借人掌題舌舐迄今數閱寒暑尙未卒稿殆卽是錄原
本行書輾轉傳鈔空白太多尙須細校

雲煙過眼錄三卷

舊鈔本

宋周密撰此書本一卷此分爲三專紀所見書畫古器略
品甲乙不加攷證

筠軒清閔錄三卷

舊鈔本

明董其昌撰其昌字玄宰華亭人玄宰在翰苑多年凡祕

府法書名畫及一切古翫無不手披目覩是編自敘聞見
具有根柢而非憑空影響之談

博物要覽十六卷

舊鈔本

明谷泰撰泰字寧宇官蜀王府長史其書一卷紀碑刻二
卷紀書三卷紀畫四卷紀銅器五卷紀窯器六卷紀硯七
卷紀黃金八卷紀銀九卷紀珠十卷紀寶石十一卷紀玉
十二卷紀瑪瑙珊瑚十三卷紀琥珀蜜蠟玻璃等物十四
卷紀水晶玳瑁犀角象等物十五卷紀香十六卷紀漆器
奇石皆隨所見聞摭錄成帙未能該備然亦足以廣見聞

右雜品

東坡志林五卷

明刊本

此本明萬歷乙未海虞趙開美刊本佳刻也書賈每葉以元祐七年木戳印之前有趙用賢序割裂不完以掩其迹偽印纍纍徒爲書累耳

仕學規範四十卷

舊鈔本

宋張鎡撰鎡字功甫秦州人循王之孫官奉議郎直祕閣是書分爲學行已涖官陰德作文作詩六類皆采宋代名臣事狀各據所載之書臚列原文注其出典其所援引多修宋史者所未見可以補列傳之遺所引書目凡一百種趙氏手跋曰依宋刻本錄于御史廊衙齋中少二十五卷至三十二卷共八卷俟再覓補葺所載雖宋事具皆格言熟讀令人身心非淺淺取益者雖殘編乎抑半規明月燭

暗之所必向也聊志此時萬歷丁未清和望日清常道人
題

經子法語二十四卷

影宋鈔本

宋洪邁撰此書易一卷書二卷詩三卷周禮二卷禮記四
卷儀禮公羊穀梁傳孟子荀子列子國語太玄經各一卷
莊子四卷皆摘新穎字句以爲詞科之學此本首葉有翰
林院印

自警編五卷

宋刻本

宋趙善瑯撰善瑯太宗七世孫家於南海嘗知江州書分
九類曰學問曰操修曰齊家曰接物曰出處曰事君上下
曰政事曰拾遺每類各分子目凡五十有五皆編集北宋

名臣大儒嘉言懿行以垂法則宋刻分甲乙丙丁戊五編
每半葉十行行二十字高七寸四分廣五寸一分白口單
邊下有刻工人名所引書名猶存可以校補時本明刻則
分九卷矣收藏有毛晉之印白文子晉朱文兩方印泰峰
所得善本朱文方印

陸儼山外集四十卷

明刻本

明陸深撰深字子淵上海人弘治乙丑進士官詹事府詹
事致仕諡文裕事蹟見明史文苑傳此集爲傳疑錄二卷
河汾燕閒錄二卷春風堂隨筆一卷聖駕南巡日錄大駕
北還錄淮風日記南匿日記知命錄各一卷金臺紀聞二
卷經豐堂漫書谿山餘話各一卷玉堂漫筆二卷停驂錄

續停驂錄四卷科場條貫一卷豫章漫鈔四卷中和堂隨筆二卷史通會要三卷平胡錄一卷春雨堂雜鈔一卷同異錄一卷蜀都雜鈔古奇器錄各一卷書輯三卷郡人徐獻忠序

金聲玉振集六十卷

明刻本

明袁褫編一代紀載事實之書五十三種彙爲一書名之曰金聲玉振集褫字尙之吳縣人諸生喜刻書所刻皆佳

稽瑞樓叢鈔一冊

舊鈔本

也是和尙傳燼宮遺錄松仙傳記萬尊師事澎湖臺灣紀略入長沙記彙爲一帙

娛老軒叢鈔十冊

舊鈔本

馮氏手跋曰然鐙紀聞談龍錄聲調譜唐音審體風喪詩注以上四種並朱育泉大令親畢風懷詩爲大令所注中多夾紙楊注未及見也大令少年館曲阜孔府最久與蒞谷訂交後宰城固卒於官遺書多歸其女夫許氏此本余從娛老軒拾得他日當視其子孫之賢而與之道光十有八年五月柳東記于四明窗

斟補隅錄二冊東湖叢記六卷

管庭芬校本

蔣光煦撰生沐有書畫錄在譜錄類是書仿羣書拾補而作校勘精審刊此板時芷湘隨筆校改目亦芷湘自書叢記雜錄金石書畫語語切實近時之佳書也

百川學海一百卷

明刻本

宋左圭編圭字禹錫自署古鄆山人今鄞縣人序末署昭陽作噩卽咸淳四年癸酉此書改編二十卷每半葉十四行行二十八字與華刻不同儀顧堂題跋推爲宋板實則明人所刻按經籍訪古志所載行款與此同嘉靖十五年莆陽壺雲道人書林鄭氏謹依宋本繡梓刊行此本明人序猶存署款割去取他處餘紙補之存齋所見亦同然卽明刻亦佳書也

存齋据廓字注寧宗廟諱以爲宋理宗刊本殊不知後人翻本提行空格避諱悉依原本恐未足以爲据又宋元刻書書名總在上魚尾下至上魚尾上或黑口無字或記大小字無刻書名者此本署百川學海而魚尾下

刻小題亦明本之一證

子苑一百卷

舊鈔本

不知撰人姓氏分五行各有子目凡百卷舊鈔二十冊卽

四庫底本上有翰林院印然必明初人所爲所采子書

俱以別書訂其異同極爲精細與明後半葉之鹵莽者不

同各家書目均無之收藏有籍圃主人白文麥谿張氏朱

文蛾術齋藏朱文長方印唐棲朱氏結一廬圖書記朱文

方印

按錢唐丁氏藏書志中
吳紀聞亦有張氏三印

世德堂六子

明刻本

老子道德經二卷河上公注莊子南華真經十卷郭象注

列子沖虛至德真經八卷張湛注揚子法言十卷五臣注

文子中說十卷阮逸注明世德堂顧氏刻世推善本此本
口上世德堂字已刊去印略後然顧跋尙存

顧氏手跋曰先刑部府君少敦仁義之學晚慕道德之言
故於六子書無不講覈春之得於過庭者侈矣自先君下
世每對是書未嘗不悵然若有所慕焉而弗得也將究其
意旨而無善本脫謬不可考定嘉靖庚寅冬因治先君墓
於銅井山遂廬其側校讐授梓參文羣籍考義多方越癸
巳夏乃成膏宵雞晨寢食爲廢匪敢言勞用脩先君之志
云爾是歲秋八月東滄居士吳郡顧春識

顧氏文房小說四十種

明刻本

崔豹古今注劉餗隋唐嘉話牛僧孺周秦行紀無名氏南

岳夫人傳谷神子博異志樂史太真外傳呂祖謙臥游錄
林洪山家清事張耒明道雜志吳枋宜齋野乘李濬松窗
雜錄李德裕柳氏舊聞龔頤正芥隱筆記蘇軾艾子雜記
無名氏梅妃傳辭用弱集異記杜光庭虬髯傳李濟翁資
暇集張固幽閒鼓吹孔鮒小爾雅陳潁川龍明子葆光錄
李文叔洛陽名園記伶元飛燕外傳郭湜高力士傳王仁
裕開元天寶遺事吳均續齊諧記東方朔海內十洲記李
翱卓異記洪皓松漠紀聞郭憲別國洞冥記無名氏白猿
傳梅堯臣碧雲駮劉禹錫嘉話錄孫廣嘯旨唐庚文錄方
元善深雪偶談鍾嶸詩品孟棻本事詩李方叔德隅齋畫
品虞荔鼎錄凡四十種顧元慶彙刻元慶字大有長洲人

兄弟善治產大有獨以圖書自娛所居曰顧家青山在大石左麓學者稱大石先生山中有勝蹟皆自爲之記名其堂曰夷白藏書萬卷擇其善刻之署曰陽山顧氏文房薨圃跋開元天寶遺事云開元天寶遺事上下顧氏文房小說本也書僅明刻耳在汲古毛氏時已珍之宜此時視爲罕祕矣初書友以是書及皇甫湜輯本支遁集示余索直甚昂爲有諸名家圖記也余許以家刻書直千錢者易之未果攜之去明日往詢云需三餅金後日親訪之其支集爲他人以千錢易去矣遂持此冊歸稍慰求古之心蓋毛氏舊物余本留心而陽山顧氏名元慶者在吳中爲藏書前輩非特善藏而又善刻其標題顧氏文房小說者皆取

古書刊行知急所先務矣此開元天寶遺事雖未知所從
出之本云何然借西賓陸拙生藏歷代小史本證之彼已
脫落幾條是此本爲善聞周丈香巖有元刊本當假勘之
唐朝小說尙有太真外傳梅妃傳高力士傳皆刊入顧氏
文房小說向藏梅妃傳亦顧本太真外傳別一鈔本高力
士傳竟無此書安得盡有顧刻之四十種耶以明刻而罕
祕如是宜毛氏之珍藏于前而余亦寶愛于後也壬申夏
五月二十有五日燒燭書復翁可見復翁得三四種已爲
希罕而幾幸盡有此四十種余無意得全帙眼福過於蕘
圃能不自欣喜耶

顧氏明代文房小說四十種

明刻本

顧元慶檐曝偶談寶櫃記陽山新錄瘞鶴銘攷祝允明讀
書筆記文林瑯琊漫鈔都穆聽雨紀談俞文豹清夜錄祝
肇金石契劉定之否泰錄文徵明徐禎卿太湖新錄王濟
君子堂日詢手鏡盧贊元西征記姚福清谿暇筆彭時彭
文憲筆記石太初避戎夜話顧元慶茶譜岳岱今雨瑤華
顧元慶夷白齋詩話楊循吉吳中往哲記高昌古續編宋
史辨徐克昭稗史集傳顧璘國寶新編楊循吉蘇談徐子
陽天全遺事顧元慶雲林遺事劉欽謨縣笥瑣探王達景
仰撮書朱承爵存餘堂詩話閻秀卿吳郡二科志徐禎卿
翦勝野聞談藝錄顧芥海槎餘錄祝允明蠶衣顧元慶十
友譜楊循吉七人聯句詩記陸鼎儀病逸漫記徐禎卿新

倩籍顧璘近言都穆寓意編顧氏收明代書不如初編然亦難得全者

國朝典故八冊

明鈔本

不知何人所編第一冊乾集皇明本紀洪武聖政記天潢玉牒第二冊坎集國初事蹟國初禮賢錄北平錄平吳錄平蜀記北征記北征前錄北征後錄雲南機務鈔黃第三冊良集御製帝訓御製官箴御製廣寒殿記欽定滁陽王廟碑歲祀冊宣宗御製詩御製大狩龍飛錄宸章集錄敕議或問召對錄第四冊震集奉天靖難記第五冊巽集今言摘鈔建文事蹟正統臨戎錄否泰錄使北錄第六冊離集三朝聖諭錄天順日錄燕對錄第七冊坤集立齋聞錄

懸笥瑣探病逸漫記第八冊兌集三禮述百官述錦衣志

欣賞編十集

明刻本

明沈津撰津字潤卿吳縣人明刊本圖繪甚精分甲至癸十集每集首行下書欣賞編某集五字凡甲乙等字悉作陰文 四庫收入存目云徐中行序稱書十卷然實八冊不分卷數序稱始于詩法終于修真而書中詩品詞評乃在第三冊尤顛舛無緒所載出陶宗儀說郭者十之八九皆移易其名至于改竄屠隆碑帖攷尤多舛戾按 四庫所著錄與此全不相類明非一書蓋後人但知其名而妄剽竊他書以充之以冀魚目之混珠中行之序亦偽託無疑今幸出真本足以證之明人作偽往往如此雖曰小技

亦藝林之勝賞也

古玉圖攷

元至正自序吳匏廠跋

印章圖譜

臨川王厚之順伯攷古村李宗呂迂叟編有崑山黃雲跋

文房圖贊

宋林洪龍發撰有自序祝允明後序

續文房圖贊

宋羅先登瑞卿撰有寶祐自序元統樊士寬序長洲沈周跋

茶具圖贊

題審安道人撰有咸淳自序後有長洲朱存理跋

硯譜

高氏似孫修後有文徵明跋

燕几圖

宋黃長睿伯思撰有紹熙自序又陳植跋

古局象碁圖

司馬溫公述有開禧無名氏序又徐禎卿跋

譜雙五卷

宋洪邁撰有紹興自序吳郡唐寅跋

打馬圖

宋易安居士李清熙撰有紹興自序有長洲朱凱跋又葑門邢參跋

古今說海一百四十二卷

明嘉靖刻本

明陸楫編輯字思豫婁縣人書分四類曰說選部曰說淵部曰說略部曰說纂部嘉靖甲辰刊于儼山書院惟采錄說部仍多刪節蹈說郭之故轍亦明人之積習也

校書名氏附載

蓉塘姜南

明叔浙江仁和人己卯舉人出藏書五卷校勘十卷

東川顧定芳

世安太學生授太醫院御醫出藏書二十卷

寅江談萬言

子約上海縣學生錄副藁二十卷

雲谷黃標

良玉太學生出藏書三十卷總校勘編次

晉明姚昭

如晦上海縣學生校勘十五卷

養愚瞿學召

南仲太學生出藏書十卷

雲山唐贊口具太學生出藏書

龍泉顧名世應夫上海縣學生出藏書十四卷校勘二十卷

瞻岳沈希皋叔明癸卯舉人

秀洲余采元亮上海縣學生出藏書十二卷

西霞董宜陽子元太學生出藏書五卷

王屋張之象月鹿太學生出藏書一卷

月濱瞿成文道夫錄副藁二十卷

嘉靖甲辰四月己巳雲閒陸楫思豫識他本往往軼去此葉

按姚昭曾刻馬氏南唐書張之象曾刻史通鹽鐵論

右雜纂

適園藏書志卷第八



